

De duumkes gaon omhoeëg

Zânk: Sem Meevis & Rick Weegels

Tekst: Ton Wolter

Meziek: Ronald Moonen

Koeplet:

Maak ich mich unne selfie vör op Facebook
dan staon ich mét mien duumke recht umhoeëg
mét minse um mich haer in schoeën creaties
in alle kluuëre vanne raegenboeëg
Di-j 'Like' dan mien foto mét 'n duumke
en âl mien vreende zeen dieës foto staon
Ze volge mich d'n hieële vastelaovendj
en zeen det ich mich hieëlemaol laot gaon

Refrein:

De duumkes gaon omhoeëg vör vastelaovendj
de duumkes gaon omhoeëg, dae és oké!
Recht omhoeëg en zieëker neet nao oonger
dae gave tiêd és top kiektj mer 's heej.
De duumkes gaon umhoeëg mien komplemênte
vör weem dit fieëstje oeëts begonne és.
Dae wil ich noow vör altiêd 's bedânke
mien duumkes gaon umhoeëg en ich zégk: "Yes!"

Koeplet:

Gae veultj uch gruuëts en raaktj ongersteboeëve
as minse zégke: "Det waas nog 's sjiek!"
't Maaktj uch bli-j, gae gaotj d'r zelfs van lache
't peptj uch op, 't maaktj uch energiek.
Ich laot mich mét de vastelaovendj huuëre
en alles vör de lôl en flawwe kûl
D'n doem gieët inne löcht vör alle minse
di-j laeve mét 'tzelfdje gevoel!